

摘藻堂四庫全書薈要

史部

欽定四庫全書薈要

史部

硃批諭旨卷一百二十六之十五

詳校官編修臣繆晉

欽定四庫全書薈要卷八千五十四

史部

硃批諭旨卷一百二十六之十五

硃批田文鏡奏摺

雍正七年正月十九日河東總督臣田文鏡謹

奏為恭謝

天恩事雍正六年十二月二十八日准兵部火票敬捧
皇上賜臣

御書福字暨對聯并如意一執紅玉雙魚一枚貂皮四

十張荷包二對金元寶二箇銀元寶二箇金八寶
八件銀八寶八件各色寶結八件鹿尾十箇鹿肉
十塊風羊一隻野雞十隻阿璣格教爾布哈一封
糜子米教爾布哈一封阿爾茶教爾布哈一封乳
酥糖一匣蘆柑三十枚紅柑三十枚廣橙三十枚
文旦六枚到臣臣當即郊迎至署恭設香案望

闕叩頭謝

恩祇領訖欽惟我

皇上

德備中和

功參化育

彤廷開泰萬國共樂堯年

丹陛頒春四海咸瞻舜日乃

皇上享無疆之福必普逮於臣工而微臣邀

皇上之恩更榮逾於格外仰

龍章之璀璨偕金玉以擎來瞻

寶物之輝煌並珍羞而齋至服之在身捧之在手常

懷

帝眷之隆懸於堂上藏於笥中益凜

天威之近即一嚮之味一果之甘無非叨

上方珍異拜

天子深仁者也臣何人斯膺此異數惟有上祝

聖壽下竭駑駘以仰報

皇上天恩於萬一耳所有微臣感激私忱理合繕摺

奏謝為此謹

奏

覽奏謝矣凡物莫非

上天之錫畀

皇考之遺澤不與卿如此大臣共之更持以班賜何人耶

同日又

奏為查明東省倉穀酌量買貯據實奏

聞仰祈

審鑒事雍正六年十二月二十七日據山東提塘齎到
刑部侍郎繆沅來字為東省倉穀一事轉傳

上諭到臣臣遵查東省倉穀如常平倉一項截留漕米
易穀一項各州縣衛所分貯監穀一項宛寧道等
五衙門收貯監穀一項濟青登萊四府捐米折穀
一項通計各屬現存倉穀共一百九十三萬二千
二百二十六石零存價應買穀共一百二十二萬
四千八百二十四石零各屬虧欠未完穀共九十

五萬三千三百九十六石零臣一至山東即清查
倉穀確數而知從前派買尚未得宜是以遲延至
今並未遵照買穀貯倉雖於欽奉

上諭事案内奉

旨山東巡撫卽務著岳濬署理會同河東總督田文鏡
將東省應買之穀酌量州縣之大小均勻分派於今
年明年秋成後在本地採買還倉欽遵在案但臣看
得濟南等處濱海潮濕倉穀易於霉蒸況查各州

縣倉廩亦少若再以數十萬帑金悉行採買非另
建倉廩不能委積不但盤查難交代難出陳易新
難而且

聖明在上大有頻書豐登屢告則倉貯盈餘究無多用
之處將來恐有霉蒸紅朽之慮不肖官員更有侵
盜虧空之弊是以臣在東省時即同署撫臣岳濬
議及此案再四籌畫惟有酌量地方大小議定成
數分別積貯何項應買何項不應買庶不致多寡

弗均又不致紅朽無用岳濬以臣言為是彼時繆沅一同在座亦以臣言為是但此時臣尚未逐一查核未敢冒昧具

奏隨即檄行布政使確查妥議詳覆嗣於雍正六年十二月初九日據該司詳議署撫臣岳濬送稿到臣臣即酌定送去後據岳濬來字俟開印後即繕本具

題今欽奉

諭旨命臣據實具奏臣查得東省合屬直隸州六州九

十八州縣十一衛三所酌量大小分別積貯凡直

隸州各府首縣應貯穀二萬石府屬大州一萬八

千石中州及大縣一萬六千石中縣一萬四千石

小縣一萬二千石大衛一萬石中衛五千石小衛

二千五百石三所各貯穀三千石該州縣或地要

民稠積窪易澇者量加二三千石不等以此擬定

成數分別買貯其中穀石未敷者酌量撥給買貯

其成數之外尚有多餘穀價者應將原價照數提解藩庫再濟青登萊四府現在府倉穀石充足有餘其未買穀價亦應提解藩庫此外各屬虧欠未完穀石除借欠在民未完穀三十萬二千六百一十六石零照追完倉外其有各官虧欠追完穀價者亦應解交藩庫通俟現積現買之穀或有動用應行添買之時再行陸續發給買貯臣職任封疆事關倉穀重務固不敢因循苟且以致積貯久虛

亦不敢拘守成法以致帑金濫費所有東省各項
倉穀現存未買虧欠細數并應買不應買應提貯
司庫各等項細數除另本會

題造冊報部外臣因各項條款甚為煩冗不敢瑣瀆
謹擇要畧據實繕摺覆

奏伏乞

皇上睿鑒施行謹

奏

卿所料理既屬妥協無可訾議具題到日有旨

同日又

奏為查驗東省水陸各營及沿海汛地將弁馬步兵
丁情形據實奏

聞仰祈

睿鑒事竊臣一介庸愚荷蒙

聖恩簡畀河東總督無時無刻不以經理吏治民生整
飭營伍為念於雍正六年八月二十七日欽奉

諭旨命臣赴東省會審黃炳余甸一案臣自九月二十

三日抵濟南府後乘便即將濟南城守營將弁兵
丁及附近省城登鎮所轄武定營兗鎮所轄泰安
高唐臨清壽張等營汛將弁調赴省城陸續考驗
除德州營守備徐行賦性狂妄弓馬不堪業經叅
革外其餘各營汛將弁騎射雖未熟嫻猶可練習
至濟南城守營馬步兵丁弓馬俱屬生疎即連環
鎗之進退疾徐亦不合度當即嚴行申飭勒限三

箇月操演如式臣復思各營之兵馬有無缺額器械果否鮮明未能遍閱即調委青州營叅將賀陞濟南城守營叅將魏時英前赴兗鎮所轄各營汛查驗又調委曹州營守備陳永良泰安營守備鄧祿高唐營守備劉屏藩前赴登鎮所轄各營汛查驗俱報稱各營兵馬現在足數惟器械有新舊不一亦即飭令各營造備如式再查登萊青三府暨膠州一帶營汛俱係沿海地方各營汛將弁兵馬

等項均關緊要臣會審事竣於雍正六年十一月初十日由濟南府前赴登州等處沿海一帶查勘營汛業經具疏

題報在案查驗得登標中右兩營水師前營以及寧

福安東營其水師前營把總莊虎安東營把總余

可儀弓馬雖屬生疎而督率士卒頗為嚴肅勒限

此輩

武弁若不至劣蹟昭著但有寸長可取即當寬容

三箇月嫺習再行調考其馬步兵丁烏鎗尚屬可

一步

觀騎射俱係平常當即飭令訓練如式再查膠州

營馬步兵丁步箭鳥鎗尚屬可觀馬箭甚屬不堪
理應將該營副將叅處但臣閱副將王來祐年雖
六旬有餘精力尚強頗知自愛猶可表率將弁訓
飭兵丁姑勒限四箇月飭令教演如仍廢弛再行
叅處其萊州營兵丁技藝均屬可觀惟萊州營所
轄之濰縣汛臣路由經過親閱弁兵該汛把總張
爾美弓馬生疎操演懈怠以致該汛兵丁技藝不
堪曠玩已極業已咨革好再至兗州府臣驗看得兗

鎮所轄中右二營將弁弓馬尚屬可觀兵丁騎射
未免生疎當即嚴飭訓練如式至登鎮所轄之文
登即墨青州壽樂各營充鎮所轄之沂州曹州臺
莊東昌梁山范縣沙溝各營臣未及親臨考試又
不便調閱隨照會兩該鎮代為考驗尚未呈覆臣
查東省各營汛一切鳥鎗弓馬礮位等項鳥鎗如
式者什之七八弓馬如式者什之二三惟礮位自
濟南城守營以至各處營汛俱不如式皆由於營

誠哉

是言火器為軍中最要之務豈宜稍忽

汛配合火藥不得其法之故也火器乃營中要務尤宜盡心講求臣隨嚴行申飭令其依法製備總之東省營汛從前積玩成習陋弊多端臣訪聞拔

此風

何可一日姑容補千把總一員舊有該鎮規禮銀二三百兩不等

召募馬步兵丁一名舊有該管將弁規禮銀一二

十兩不等此外節禮門包等項難以枚舉上而總鎮副將下至叅遊守備千把等官各視饋送之多少為去取是以營伍一切操習俱至廢弛自登州

當嚴行申飭務令革除

總兵萬際瑞兗州總兵岳含奇莅任後雖能約束兵弁革除陋規但積玩已久驟難整頓臣又查各

營將弁技藝雖屬平常而人材尚皆壯健兵丁漢仗俱好果能教演熟習自必盡皆精練若據現在情形槩行叅革亦非仰體

皇上造就人材嘉與維新之至意是以臣親加考驗時分別賞罰嚴示勸懲其將弁則勒限嫻習調豫考甚是試嗣後倘再有曠玩者定行叅處其兵丁則責令

操演委員驗看嗣後倘再有技藝生疎者定行革
退臣愚以為將不可驕嚴於簡閱則不驕兵不可
弱勤於教練則不弱一整頓間則營伍不致廢弛
而於軍政實有裨益矣所有微臣在東查驗水陸
各營及沿海汛地將弁馬步兵丁情形理合據實
奏

聞謹

奏

卷一百一十五
整頓營伍尚屬易事但得實心盡力不避勞怨之將領
數員朞月之間便可改觀全在統轄大臣勸懲有術非
比吏治民風之難臻成效也

同日又

奏為欽奉

聖訓據實覆奏事竊臣家人齋回臣具

奏劉永鐙摺內欽奉

硃批諭旨卿能如此方為秉公持正之大臣朕甚嘉之

江南距豫不遠留心訪察如有不妥協處具奏以聞
但念劉永鏜年少聰明身受超擢之恩亦自當勉力
圖報料未必負朕卿於其臨行時切加訓誨然後令
往欽此仰見我

皇上包容廣大覆載為心人非木石自當竭力圖報但
臣看得劉永鏜人本聰明未能誠實即如劉永鏜
於雍正三年十一月內自泌陽調任滎澤時臣曾
加詢問泌陽縣內可尚有隱匿地畝否劉永鏜極

言俱皆首報等語後經臣於雍正六年五月間查訪得劉永鑽原任泌陽縣內曾置買監生馮世承熟地二頃七十八畝報糧止五十畝雍正三年十一月內劉永鑽調任榮澤時竟將此地交與伊奶公陳士勲家人許九照管嗣劉永鑽陞任南陽府時即將陳士勲許九掣回於雍正六年三月內寄字與生員馮瑄託其遵

旨首報糧二頃一十五畝而馮瑄因地未丈明止約畧

報糧一頃六十畝未經全首又有荒地一段不知

畝數曾否報墾臣飭司轉發開封府提審據陳士

勲供稱劉永鑽於雍正四年三月內尚有回贖馮

世臣已賣之熟地一頃等語臣現在委員查丈尚

未詳覆臣查劉永鑽從前在泌陽縣任內置產隱

糧既經託人代首似有畏法之心然臣必嚴行飭

果能

如此

查者欲使其知誠實之有益而虛浮之無用即或

上天自

無不照察錫佑之理一時強飾究竟不能隱瞞且使從此改過之心益

切向善之念益堅庶幾無欺無隱必誠必信以仰
報

皇上天高地厚之隆恩臣查劉永鏞從前置產隱糧自
在劉永鏞始初未料獲受如此知遇少年心性難免失
於自檢後寄字託人代首正天良發露處然即此觀之
臣飭查之前且在首報限內即首報不實乃馮瑄
可見其欺而不純上智流品殆不若是也
因未經大明之故似可作劉永鏞自首完結但事

干吏議臣未敢擅便謹據實奏

聞應否准其作自首報糧完結將所置莊地變價入官

以充公用

鴻恩出自

聖裁如蒙

准照議完結

俞允臣即准其自首報糧完結以仰副

皇上寬嚴並濟愛惜人材

命臣教導之至意俟劉永鑽赴任時臣再切加訓誨留

心訪察奏

好聞又於臣具

奏濟寧州盜案摺內欽奉

諭旨據該撫等俱經奏到已備悉情形另有諭旨矣欽此查此案臣奉

諭旨於雍正六年十二月初九日會同總河臣齊蘇勒山東署撫臣岳濬嚴審明確實係宋玫宋薇為伊故父原任兗寧道宋基業應追虧空無補與馮侯南等一夥無賴棍徒商謀劫庫又因宋玫弟兄先與向充兗寧道衙役王奎文爭訟分賠伊父虧空

此案

情節前已備悉乃可笑之事也
一案怨及州牧高令樹不為追賠是以傷及知州

妻女以洩其忿此外審無別項情由合併奏

聞又於臣恭報河東兩省雨雪日期摺內欽奉

諭旨覽奏雪雨情形朕懷深慰畿內兩次得雪亦已霑

足矣欽此仰見我

自今春以來復連得瑞雪可謂足而更足

皇上敬

天恩優渥實稱罕遇朕曷勝感戴慶幸之至

天勤民至誠感格是以瑞雪霑足麥苗滋潤自

京師以至薄海內外無不共占大有永慶昇平矣所

有奉到原摺理合恭繳為此謹

奏

覽

雍正七年正月二十九日河東總督臣田文鏡謹
奏為恭報河東兩省得雪日期仰祈

睿鑒事竊照去冬兩省得雪分數日期已經具摺奏
聞茲於雍正七年正月十二十五十六十七十九二十
六等日據豫省各屬具報到臣通省積雪各有五

六七寸不等又據東省各屬陸續具報到臣於正月十二三十五十六十七十九等日各處得雪三四寸五六寸不等其正月二十六日東省曾否得雪俟報到日另摺奏

聞臣查播種二麥最宜得雪自去冬以來連降瑞雪在地麥苗已經根蒂堅好當此春和始布土膏發動之時又復連得瑞雪均被霑濡則發榮滋長益卜豐登之有兆也我

皇上至誠格

天澤及庶類是以百物順成萬民樂業臣忝任封疆曷勝

懼忤理合繕摺奏

聞仰慰

聖懷謹

奏

欣慰覽馬前於直隸得雪時曾降有諭旨此皆仰賴

天地眷祐

聖祖蔭庇之所致朕常懷慚懼然膏澤雖霑豐登二字必待秋成而後敢言也惟期與卿更勉誠敬而已

同日又

奏為恭謝

天恩事竊查浙江嚴州府同知蔣大年湖廣蘄州知州蔣嘉年俱係臣之內姪蔣大年原任莒州知州蔣嘉年原任嘉祥縣知縣臣蒙

皇上天恩總督河東隨將伊兄弟二人

奏請迴避蒙

皇上俞允令其引

見隨於雍正六年九月二十日引

見蒙

皇上特授蔣大年嚴州府同知蔣嘉年蘄州知州臣於
去冬巡視海疆路經莒州蔣大年見臣時備述

皇上溫諭訓誨賞賚曠典臣即面加教導勉其仰遵
聖訓勤敏向前努力做好官以圖報效蔣大年遂感激

涕零向臣稟云大年乃么麼小吏荷蒙

皇上洪慈銘心鏤骨若敢有絲毫忍負

天恩決非人類等語又於雍正七年正月十一日據蔣
嘉年具稟到臣備載

陛見時蒙

皇上教誨懇切賞賜優渥洵千古未有之

隆恩人非木石自當竭尺寸之長以效犬馬之報等語
臣即寫字諄囑令其實心辦事無怠無欺以不負

皇上諄諄教誨之

聖意誠切開導去訖但臣查內親原無迴避之例臣因嫌疑所關冒昧

奏請乃蒙

皇上俯念微情即為

俞允則

皇上之垂諒夫臣者無念不至曲體乎臣者無事不周
臣何人斯遭逢一至於此惟有益殫血誠并時加

訓誨令蔣大年蔣嘉年共圖報效以仰酬

皇上天恩於萬一耳為此謹

奏

蔣大年嘉年弟兄於引見時既經朕耳提面命再加卿
如此一番策勵若不思努力向上則豈木偶也歟況二
人雖係新進後生觀其資質將來俱可期望成立者

同日又

奏為遵

旨察議具奏仰祈

睿鑒事雍正七年正月初六日臣齎摺家人回豫敬捧
皇上硃批山東巡察蔣洽秀條奏一摺到臣臣跪誦

諭旨欽此欽遵伏查巡察一官稽查保甲點驗民壯盤
察驛馬乃其專責臣於去年九月內赴東時沿途
察看保甲並未實力奉行臣即條分縷析備檄各
屬遵照力行在案復又驗看各處民壯率皆有名
無實臣即嚴加申飭令各屬照例挑選募補置備

器械勤加操演如有廢弛即行查叅在案至於驛馬一項亦多疲瘦缺額臣當委各道逐一盤查勒令買補嗣據各道陸續報明足額具結呈送臣復飭不時查察在案臣因山東保甲民壯驛馬如此廢弛亟宜整頓臣抵濟南後適蔣洽秀巡歷回省臣即一一囑其留心整理但蔣洽秀係一忠厚書生諸事既未歷練賦性亦復柔懦去年六月到山東以來於地方毫無裨益雖其心未嘗不欲振作

無奈才力不及不能施為且御下不嚴所過地方
跟隨僕役竟有需索門包小費之擾誠如

聖諭觀伊甚不妥協人也臣謹據實具

奏又蔣洽秀條奏登萊青大路添設墩臺營房條內

欽奉

諭旨命臣察議奏聞欽此臣查蔣洽秀奏稱登萊青三
府南北兩面皆海中通大路有二十里一墩者有
三十里一墩者汛防稀濶賊盜出入難於稽察應

請照中東兩大路之例每十里添設一墩每墩添造營房十間每兵一名撥給二間擇兵丁之家口少者令其挈眷居住等語臣查設立墩臺原酌量道路之衝僻分墩臺之多寡定守兵之數目非凡有道路俱應設十里一墩每墩撥馬二步三也山東登萊青三府雖南北兩面皆海中通大路然沿海各口俱另有墩臺星羅碁布已屬周密中間道路不過州縣居民以及小販營生往來而已非中

東兩路行旅絡繹不絕者可比是以設立墩臺或
十里十五里二十里二十五里以至三十里不等
則從前設立之意非漫無分別也臣前巡視海疆
登萊青三府俱經親歷見各處墩臺或因其地勢
高阜或因其路當阨要俱皆安置得宜足資守望
雖非處處十里一墩而要之十里十五里者居多
二十里三十里者為少頗為周密無事添設再據
各鎮營造送守墩兵丁數目亦多馬二步三並無

缺少至於兵丁之移眷居住亦不易言蓋兵丁原
有本籍別籍之不同而本籍又復有離汛遠近之
不一或置有產業或倚其姻親誰肯輕離往來跋
涉富者固非情願貧者更屬艱難雖軍令所至不
敢不從究非體恤士卒之意總之兵丁偷安離汛
與否全在將弁之號令嚴明稽查勤密亦不在家
口之有無也臣以為蔣治秀所奏登萊青三府添
設墩臺營房令兵丁移眷居住之處無庸議至蔣

洽秀奏稱本年二月內掖縣王文煜等家被盜拏獲賊犯高義等係陝西平涼府等處人乘騎騾頭由大路直驅而入皆由防禦疎懈墩臺稀少之故等語查守墩兵丁原令其不時巡查瞭望遇有大盜行刦爪賊謀害則奮勇救護竭力擒拏若乘騎騾馬扮作客商又馬知其為賊而詰問之耶又豈能執在途之行人而一一問之耶蔣洽秀所奏盜賊乘騎騾馬直驅而入皆由防汛疎懈之說亦屬

未確又蔣洽秀奏稱黃縣福山縣之官莊九里站
東十里舖等處皆現有墩臺而無兵丁防守等語
臣查黃縣止有界首諸由貫南樂舖北馬等處四
墩福山縣止有崗嵒小辛店黃務店等處三墩俱
設有兵丁防守至於官莊九里站東十里舖等處
乃係從前廢墩原無兵丁防守現今豫省亦有此
等廢墩况各處墩臺撥兵數目俱經造冊報部孰
敢遺漏蔣洽秀不知係從前廢墩亦不知守墩兵

丁俱係報部是以有有墩無兵之說也臣才識短淺所議是否允協理合具

奏伏乞

皇上睿鑒施行所有奉到

硃批山東巡察蔣洽秀條奏原摺一併恭繳為此謹

奏

覽駁議蔣洽秀處深中肯綮於此奏未到之先已有旨矣蔣洽秀非忠厚書生乃不肯盡職奉公耳巡察一官

若咸得實力任事勤慎之人與卿等督撫同心合德匡勦協助不無輔車唇齒之益如各欲自立聲名趨向互異則非徒無益而有害所以朕每因地因時而制宜於各省或設或不設也不得其人寧曠此缺以免紛擾

雍正七年二月十一日河東總督臣田文鏡謹

奏為欽奉

上諭撥給養廉事竊臣准兵部火票齋到怡親王暨大學士公馬爾賽等寄字內開雍正六年十一月十

九日奉

上諭據副總河嵇曾筠奏稱協理河務僉都御史徐湛恩任內並無養廉之項請將每年賞伊之養廉銀六千兩內分出二千兩給與徐湛恩等語朕思嵇曾筠養廉之項僅敷自己用度爾等可寄字與河南山東兩省督撫著每年於存公銀內各撥給銀一千兩合為二千兩與徐湛恩為養廉之資欽此仰見皇仁浩蕩體恤臣工之至意臣即欽遵

諭旨行令布政司每年於司庫存公銀內撥銀一千兩
自奉

旨之日為始按季支發以為協理河務僉都御史臣徐
湛恩養廉之資并咨會山東署撫臣岳濬一體欽
遵外所有撥給養廉銀兩理合繕摺具

奏為此謹

奏

覽奏撥給養廉銀兩知道了徐湛恩居官何如

同日又

奏為豫省漕運動用歸公鹽規銀兩數目據實奏明
仰祈

睿鑒事竊查雍正六年七月內於請復舊例等案內准
部咨豫省漕糧各照舊制徵收本色應給腳價銀
兩於糧道庫內動用糧道及各府直隸州歸公鹽
規並節省項下耗羨銀兩支給仍將動用過銀兩
造入該年漕項奏銷冊內具題查核等因臣查雍

正六年分所有舊管前道楊夢琰餘剩鹽規銀一
百六十五兩零新收各屬鹽規銀一萬二千四百
七十八兩零又收漕項下耗羨銀二千九百八十
二兩零共新收銀一萬五千四百六十兩零今起
運雍正六年分漕糧所有發給各州縣運漕腳價
銀共一萬七百九十八兩零又雇募剥船刨淺敲
冰等項共用銀一千三百七十二兩零以上共開
除銀一萬二千一百七十兩零實在存庫銀三千

四百五十四兩零各屬未解鹽規銀二千三十七

兩零俟解到貯庫通共應剩銀五千四百九十二

兩零但臣查漕運腳價銀兩與雇募剥船等項俱

係動用歸公鹽規並非開銷正項錢糧可比雖奉

部咨於該年漕項奏銷冊內具題臣愚以為既係

充公之項不便造冊題報似無庸於漕項奏銷冊

內造報題銷茲據糧道陳世倬詳報前來除另文

咨明戶部存案外所有漕運動用鹽規歸公銀兩

數目理合繕摺奏

聞伏乞

皇上睿鑒施行謹

奏

克公銀兩自不應入於奏銷冊內題報所奏是不特此也卿凡料理錢糧事務悉屬允當朕實信之有素

同日又

奏為豫省各屬歸公鹽規銀兩據實奏明仰祈

睿鑒事竊照河南糧道衙門及開封府舊例所得鹽規
自雍正四年起經臣

奏請歸公以為運漕建壩之用在案查雍正四年分
餘剩鹽規一千五百三十一兩零又雍正五年分
糧道衙門及開封府共收鹽規銀七千一百五兩
零通共鹽規銀八千六百三十七兩零除雍正五
年分辦漕動用過八千四百七十二兩零實剩銀
一百六十五兩零茲於雍正六年五月內節據歸

德河南彰德懷慶衛輝南陽汝寧七府及陳許禹
鄭汝光六州陸續詳報前來呈稱各府州所屬各
項陋規俱已革除惟舊有鹽規一項在鹽商以為
成例已久分所當送但既蒙

皇恩優渥賜以養廉願將此項鹽規悉行歸公以充運
漕之用等因到臣隨據糧道陳世倬將各府州鹽
規銀共六千一百餘兩開報前來臣查各屬鹽規
一項詳請歸公益以鹽商原係富商且皆各省之

人運鹽入境以取民利地方官有捕私督銷之責
每逢生辰令節鹽商有所餽送亦屬情理之常今
各官俱蒙

皇仁浩蕩賜以養廉不敢私收情願援照開封府例為
挑淺雇船築壩歸公之用上既無礙於

國下亦無礙於民自應一併歸公以充運漕之用其
各屬解到鹽規銀兩現貯糧道衙門庫內除起運
雍正六年分漕糧動用鹽規并舊管新收實在數

目另摺

奏明外所有各屬歸公鹽規銀兩數目理合奏

聞伏乞

睿鑒謹

奏

斯事卿當再加斟酌朕意緝私銷引地方有司均關考
成些微鹽規留與伊等一者資助薪水稍覺饒裕二者
難保歸公之後不於此外重複需索若然則於衆商殊

有礙也

同日又

奏為查勘東省廟工情形敬陳末議仰祈

睿鑒事竊惟重道崇儒者

聖王之大典趨事赴功者臣分之當為我

皇上以

聖廟偶災發帑興修大小臣工亟當黽勉從事早為

告竣仰副

聖懷不意遷延歲月經久無成臣恭膺

簡命總督河東仰體我

皇上尊崇

宣聖之至意巍煥宮墻之曠典豈可任其遲延虛費
國帑即嚴飭山東布政司查明此工係何年月日興
修領過錢糧若干買過物料若干做過工程若干
逐一清查具報去後隨據布政使費金吾於雍正
六年九月二十七日詳覆前來臣因奉

旨赴東會審黃炳余甸一案未得親詣查勘迨臣會審
事竣由登萊查視海疆已畢遂親謁

聖廟并率領監督承修各官逐加查驗查勘得大成
殿寢殿尚未建立大成門金聲玉振門

御碑亭兩側門亦未興工兩廡該造八十八間內三十四
間尚未建立其已建之兩廡五十四間並已建之
啓聖殿五間金絲堂五間俱未調脊蓋瓦亦未鋪
砌磚石周圍牆垣尚未圻墁其木料之丈尺寬厚

與原估半不相符且木植多未雕刻精細磚料多未琢磨光潤石料多未鑿鑿花文所用之琉璃瓦霜雪之後又間有拆裂者種種草率難以枚舉臣即面行申飭一應已建未建工程照依原估丈尺其中稍有不符即飭更換至磚瓦木石已經辦成者務期精工未經辦成者速令採買俱各遵照去後臣回至濟寧會審宋薇一案將廟工情形一一告知署撫臣岳濬據云回省便道即行親看再為

嚴催等語但臣查開土興工已經四載有餘計其錢糧則在十餘萬之外考其工程則在二三分之間論其採辦則備一缺十實無應手之物料觀其匠作則比去彼來亦無鳩集之技能在督催者既因循而苟且在承修者亦玩愒而遷延錢糧則愈用愈繁工程則愈久愈弛而且原派之員既有陞遷降調之殊則新委之員又多推諉延挨之弊如此相沿臣恐再遲三四年四五年亦難即覩巍巍

之象輪奐之觀也臣若概行叅處則叅不勝叅若一概掣回另委人員則經手之官反脫然事外既無以示懲接受之官必轉相效尤亦無以示勸此其不可者一也但查各州縣承修承辦各官實有錢糧刑名之責若令其終歲在工則地方何人代理若令其身任地方則廟工何人督率在州縣之勤敏者不免顧此而失彼在州縣之怠惰者反得偷安而規避此又其不可者一也臣愚以為人有

勤惰貴考其成法有勸懲先專其責仰請

皇上應否將在工人員有督催經手之責有承修承辦
之任不能上緊辦理以致遲延者如兗州府知府
金以成萊州府同知張文炳青州府同知張文瑞
兗州府通判黃家炳濟寧州知州高令樹泰安州
知州王一夔東平州知州王敷賁滕縣知縣馬兆
英嶧縣知縣崔宏烈汶上縣知縣于斐鄒縣知縣
張曰璉滋陽縣知縣王澍東阿縣知縣何一蜚等

員除何一蜚經臣以才具平庸題叅外其現任各官俱令其暫為離任勒限修造俟廟工告成之日再還原任其餘佐貳雜職等官俱係協修微員概免離任令其在工效力俟廟工告成之後准其回署至在工監督之大員相應仍飭濟東道張體仁登萊青道李英監督各官勒限修造但查登萊青道駐劄萊州去工本遠而李英又現在經臣

題請調補南汝道倘蒙

俞允准其調補應將一概工程專交濟東道張體仁就近督理實為妥便再臣更有請者修建廟工諸務繁劇非多集賢員不能辦理且現有離任者則署理各篆亦皆乏人仰請

皇上於候選候補知府同知通判州縣人員內揀選身家殷實者二十員發往山東擇其中通曉工務者令其在工効力俟廟工告成之日奏請

皇上敕部從優議敘留在東省遇缺即行

題補其所遺知府一缺同知二缺通判一缺直隸州
二缺知州一缺知縣五缺擇其中熟諳吏治者暫
行試用署理俟廟工告成在工各員復還原任之
後亦留在東省遇缺另行

題補如此則在工人員得專心畢力以贖其從前怠
玩之罪而効力人員亦必鼓舞奮興以冀其將來
議敘之條况有該道之查催督撫之叅處所有用
過錢糧做過工程令其五日一報以備查考則勤

情自分懲勸有道將見

聖廟告成有日而

國帑不至濫費

欽工不至久悞矣再置辦物料現在需用銀兩查有鈕
國璽從前採買木植虧空銀二萬七千三百八十
六兩零若俟追還後採辦未免濡遲應否先動司
庫銀兩照數支給嚴飭承追督催各官勒限嚴追
賠還司庫若鈕國璽力不能完即遵

諭旨著落濫用劣員之原任撫臣陳世倌賠完以免懸
項臣又總查得此工自前撫陳世倌起經前撫塞
楞額布政司自前任布蘭泰起經前任張保岳濬
監督之道員自前任登萊青道徐德淑起經前任
濟東道牟銖元俱係歷來督催之上司遲延之咎
均所難辭似宜一體示懲以為不實力督催者戒
臣現在勘得

聖廟中未被災之

聖蹟殿奎文閣櫺星門詩禮堂啓聖寢殿神庖正房
東西掖門齋宿正房等處不免猶有剝落殘缺將
來大工完竣新舊間錯非所以肅觀瞻也臣請稍
加葺理尤為全美我

皇上興建大工既用一二十萬之帑金區區小費原所
不惜然此項錢糧既在原估之外又非另行建造
大工可比仰請

皇上應否將此項修理即著歷來督催不力之撫司道

分認估修以懲其不能督催之咎臣仰體

皇上尊

師重道之意不揣愚陋不避嫌怨冒昧具

奏是否允協伏乞

聖明訓示可否具

題統候

皇上睿裁施行為此謹

奏

此奏可嘉之至隨另有諭旨頒發卿總督兩省政務殷繁不能分身兼顧廟工一事朕已差委部臣前往辦理矣

同日又

奏為欽奉

聖訓據實覆奏事雍正七年二月初七日臣家人齋回

臣具

奏查驗東省將弁馬步兵丁摺內欽奉

硃批諭旨此輩武弁若不至劣蹟昭著但有寸長可取
即當寬容一步又奉

諭旨誠哉是言火器為軍中最要之務豈宜稍忽又奉
諭旨此風何可一日姑容又奉

諭旨當嚴行申飭務令革除又奉

諭旨整頓營伍尚屬易事但得實心盡力不避勞怨之
將領數員朞月之間便可改觀全在統轄大臣勸懲
有術非比吏治民風之難期成效也欽此臣查東省

營伍廢弛已久是以臣查驗之時苟有寸長可取無不諄諄訓誨不敢遽行叅革以負

皇上造就人材之至意至於各營兵丁漢仗俱好一整理間便可改觀但實心任勞任怨之將弁難得其人臣再四思維細加調度查河南督標中軍副將張孟儀開封府城守營都司宋愛該員持躬清正營伍熟諳臣已經

題請將張孟儀調補膠州營副將宋愛陞補即墨營

叅將倘蒙

已有旨矣

俞允此二員尚能訓練兵丁整理營伍則海疆要地先收得人之效而東省各營將弁亦必觀感振興共相砥礪矣再火器為軍中最要之務

聖諭至明臣已經嚴行申飭令各處營汛依法製備至營汛陋規自鎮臣萬際瑞岳含奇蒞任後加以臣總督河東以來此風全息其整頓之處遵

旨當再行嚴飭又於臣覆

奏劉永鑣摺內欽奉

諭旨果能如此

上天自無不照察錫佑之理又奉

諭旨 在劉永鑣始初未料獲受如此知遇少年心性難免失於自檢後寄字託人代首正係天良發露處然即此觀之可見其駁而不純上智流品殆不若是也
又奉

諭旨 准照議完結欽此仰見我

皇上包容廣大嘉與維新之

聖意蓋天下無所慕而為善無所畏而不為不善者此
上智之品難期望於中材然秉彝之念人孰無之
今劉永鎔受

皇上格外隆恩即設法令人代首正其天良發露悔過

遷善之念益信

朕侍天下臣工之心真誠無二實可質諸
皇上造就人材如

天地地之栽培萬物潛移默化而不自知也臣欽遵

諭旨准其作自首報糧完結至臣仰體

皇上愛惜人材之意乃蒙

溫語褒嘉臣益不勝悚惶之至所有原奉

硃批奏摺理合恭繳謹

奏

覽

雍正七年三月初六日河東總督臣田文鏡謹

奏為恭報河東兩省雨雪日期仰祈

聖鑒事竊臣據豫省各屬具報雍正七年二月十四十五十七等日通省積雪三四五寸不等十九二十兩日通省復得時雨入土二三四寸不等據東省各屬具報正月二十六七等日得雪三四寸至五六寸不等二月十四五等日又得雪二三四五寸不等各到臣欽惟我

皇上至誠至敬上格

天

祖是以屢年以來雨暘時若年歲豐登今兩省去冬以及

入春連得雨雪臣益信

皇上天人感應之

諭

聖明默契之微乃

皇上聖不自聖猶有敬誠以待之

諭旨仰見

帝德高深非臣下所能窺測於萬一也所有河東兩省

雨雪日期理合繕摺具

奏仰慰

聖懷為此謹

奏

覽兩省雨雪情形朕懷實慰

同日又

奏為奏

聞事竊惟民生之為累莫甚於陋弊陋弊之未除皆由

於衙蠹益除弊方可興利去蠹乃以安民臣查東
省陋弊相沿蠹役累民比比皆是請舉其一二為
我

皇上陳之如徵糧有徵糧之弊也花戶完納錢糧櫃書
之串票有費銀匠之鑿印有費經承之紙筆有費
而且衙役則包攬侵漁單頭則需索派累其司府
衙門之飯食敲平看色寄庫以至解銀發銷等項
派之州縣州縣書役又派之里民用一派十各自

分肥此徵糧之弊也如收漕有收漕之弊也民間完納漕糧倉書則指勒索收米有費斗級則踢斛淋尖斛口有費起運則車輛腳價幫貼有費而且催漕亦有使用烙斛又有舊規其道府衙門之開徵造冊催兌押幫以至旗丁水手等項派之州縣州縣書役又派之里民用一派十各自分肥此收漕之弊也其餘陋弊諸如此類難以枚舉臣受事之後即備檄各屬將陋規悉行首出衙蠹悉行

革除如有陽奉陰違者官即飛章糾叅役則嚴拏重處臣又於雍正六年九月內奉

旨赴東會審黃炳一案凡遇各屬當即面行開諭諄諄以除弊去蠹為急一時各屬紛紛呈首者不計其數近聞山東人民捏布訛傳言臣在東時見地土肥饒欲具題加賦民間房屋欲按間納課併發量地之竿丈量地畝比舊時短至二三寸俱賴巡撫力為勸阻等語臣聞此訛傳不勝駭愕臣自念執

法極嚴奉公惟謹出一言必使之可以告

皇上而後發辦一事必使之可以見

皇上而後行久已在

皇上洞鑒之中照臨之下臣復何容置喙即使物議風生謗言騰起臣非敢稍存顧避亦非慮上惑

聖明但陋弊方在清除蠹役方在釐剔當法令初行即有訛傳以為如此可以掣肘乎臣矣如此可以牽制乎臣矣不知臣懷犬馬之私切鷹鷂之志雖早

料其必然而必不敢不力為整頓急為清理以負
皇上天高地厚之隆恩也總之此等訛傳皆出於上下
各衙門姦胥蠹役併各州縣里書總催單頭之口
彼見陋弊悉除無從染指是以造作浮言蠱惑愚
民使之羣生怨望且希將來查究之人自必顧忌
瞻徇彼得朦官作弊以遂其網利營私之計耳豈
知陋弊不可不除蠹役不可不去臣忝任封疆此
心此念止知上體

聖心下愛百姓謗毀固所不辭嫌怨亦所弗避但不敢
於

君父之前稍有隱諱臣現在出示曉諭外所有東省訛
傳冒昧奏

聞伏祈

睿鑒為此謹

奏

大抵魑魅魍魎之輩至技窮力竭時率用此條姦計乃

從來宵小之常情奚足介意凡百但求可以對

天處行去悠悠毀譽不特似此捏造浮詞毫無影響便實
有之事言之確鑿亦復何畏何慮之有明白曉諭後自
當止息也

同日又

奏為欽奉

聖訓據實覆奏事雍正七年三月初二日臣家人齎回

臣具

奏豫省鹽規歸公摺內欽奉

諭旨斯事卿當再加斟酌朕意緝私銷引地方有司均
闕考成些微鹽規留與伊等一者資助薪水稍覺饒
裕二者難保歸公之後不於此外重複需索若然則
於衆商殊有礙也欽此臣查此項鹽規自開封府知
府孫蘭芬於雍正四年情願歸公以為運漕建壩
之用經臣

奏明在案是時七府七州皆有鹽規俱不自安共懷

一歸公之念而未得其便迨至雍正六年於請復舊例事案內豫省漕糧改徵本色臣與司道等議及運漕腳價併雇募剥船刨淺敲冰等項之費除將糧道衙門及開封府充公鹽規併漕項節省項下耗羨銀兩動用支給外尚恐有些微不足敷用之處適歸德府知府唐綏祖光州知州劉兆幾因公至省在旁與聞即面稟將歸德府光州所收鹽規願充公用隨即具詳到臣嗣後各府各州聞之

無不踴躍歡欣情願將所收鹽規以充漕運之用
各詳報前來咸稱各府州蒙

皇上賜以養廉公私有賴俯仰從容何敢於此外稍有
染指等語則此項鹽規實屬情願歸公懇請再三
實非臣有所強而行之也況伊等於歷來之所現
有者尚皆不受而後安於心則分外之所無者又
焉肯重索以自取其咎且臣仍不時查察則重複
勒索之事在所必無此臣可以深信而力保者臣

果若

此則聽其歸公可也

不敢於

皇上之前稍有隱諱故備陳各屬歸公緣由仰祈

睿鑒又臣具

奏撥給徐湛恩養廉摺內欽奉

諭旨覽奏撥給養廉銀兩知道了徐湛恩居官何如欽

徐湛恩係河工舊員聞其諳練河務所以擢用今職朕

此臣查徐湛恩於河工事宜尚未能十分諳練然

觀其人器局狹隘且恐操守有信不及處所以批詢可

係盡心勤慎之員將來再加熟習實有裨益於河

留心體訪奏聞

工者也臣欽遵

諭旨據實覆

奏又於臣覆

奏劉永鏞摺內欽奉

諭旨朕待天下臣工之心真誠無二實可質諸

天地欽此仰見我

皇上覆載為心胞與為念凡茲百爾皆一視同仁無分彼此不獨臣一人心悅誠服即天下臣工無不心悅誠服者也所有奉到原摺理合恭繳謹

奏

覽

雍正七年三月二十日河東總督臣田文鏡謹

奏為恭報河東兩省得雨日期仰祈

睿鑒事竊查雍正七年二月內河東兩省共得雨雪其
分數日期已經具摺恭

奏茲據豫省各屬具報三月初一初二初三十一十
二等日通省各得時雨入土三四五寸不等又據

東省續報二月二十七八等日得雨二三寸不等
又據報三月初一初二十一十二等日各屬又得
時雨入土二三四寸不等二麥長發土田滋潤各
等情到臣此皆仰賴我

皇上至誠至敬感召

天和是以甘澍知時靈苗應候來牟率育計日可待臣惟
有欽遵

聖訓必敬必誠無或稍怠耳所有河東兩省得雨日期

理合繕摺具

奏仰慰

聖懷為此謹

奏

覽奏即慰悅之念亦不敢萌惟敬待

天

祖錫祐於收成之後方始額手欣慶也

同日又

奏為受

恩至重圖報至難冒昧越分陳言仰祈

聖鑒事竊臣荷蒙

皇上隆恩屢經遷擢秩崇祿厚非惟

寵錫優渥莫與比倫諸如察臣之愚宥臣之罪憫臣之

苦惜臣之名種種

殊恩誠有子不能得之於父者而臣乃得之於

君是以口不能言筆不能書日夜刻心希圖報稱然每

自循省率皆分內所當為之事無以自別於庸衆
而

皇上逾格之恩施乃益有加無已若臣凡有見聞不直
陳於

君父之前則臣不但負我

皇上抑且自負其心矣臣近風聞一事明知事非職守
言涉嫌怨然激於愚悃不得不敬為

皇上陳之督撫大吏關係一省吏治民風固須才守兼

優尤必謹身倡率如浙江督臣李衛操守廉介臣
所素聞且傳其偶有缺乏輒於家間取足再臣閱
邸抄每見其設施條奏亦皆動合機宜此誠當世
之賢員所謂難能而可貴者也然馭吏繩尺未免
稍疎振肅規模未免少檢則於大僚之體有未全
於

皇上任使之意恐亦有所未副夫察吏所以安民博寬
大之名於一員則千萬人受累矣正己所以率屬

圖游衍之歡於一日則千百行受玷矣臣實見其
不可然素無交際未便相規邇聞其

陛見在即是以敬陳於

皇上之前或

賜面加

訓誨俾知改過增美有醇無疵則體統全而綱維肅庶
無負

皇上造就臣工求賢若渴之至意諸所風聞除開具另

摺仰祈

皇上俯賜全覽外為此謹

奏

覽奏嘉悅之懷筆難罄述內外大臣皆肯如此彼此愛惜互相切磋即所以愛君報主也況朕每品評督撫優劣輒以卿與鄂爾泰李衛三人指為標準卿等三人實共為一體設一有參差兩俱削色李衛向耽嬉遊頗涉不檢朕所素知殊不料過舉乃至於此即日來京陛見

當切加訓誨以策勵之諒其定然領受悛改果能盪滌
微瑕纖垢俾美玉瑩然則默默中卿為李衛之恩友矣
若言有意縱容屬員可保斷無其事但通省官吏之衆
馬能各各洞察無遺歷年薦揚之廣曷克人人循分盡
職即責之賢聖亦有所不能者其間少有疎失愴壬之
輩遂乘隙而起議論風生諸如此類朕皆置之不問必
已身實有蕩檢踰閑之疵及屬員款蹟昭彰官箴玷缺
而一味徇庇方始嚴詰不為稍恕也於斯朕持有

定見確乎不移否則汝等封疆大吏如何展布手足耶
同日又

奏為恭報河南解陝騾馬日期仰祈

睿鑒事雍正六年九月二十八日准戶部咨內開欽奉
上諭京師及西安需用騾頭爾等即行文直隸河南山
西山東各該督撫令其照數採辦欽此又於雍正六
年十一月初二日准戶部咨內開總督岳鍾琪奏
稱河南山西二省採買騾七千頭就近解送陝西

已足備用奉

旨依議速行等因到臣臣當即檄行河南布政司遵照通行各屬辦買俱經臣驗烙如式自正月初十日起至二月十四日止分為十七運解送西安嗣據押運等官稟報騾頭到陝日期自二月初一日起至三月初三日止所有豫省應辦騾三千五百頭俱經川陝總督臣岳鍾琪如數驗收訖再雍正七年二月二十九日准川陝總督臣岳鍾琪咨內開

各營應解馬匹行令揀選臚實之馬於驪頭解完之日即行接續解送西安緣由到臣臣查雍正六年五月初十日准戶部咨內開欽奉

諭旨爾等密行文總督田文鏡飭令該省駐防及綠旗營員弁將營馬加意餽養俟岳鍾琪取用之日揀選臚實馬三千匹解往彼處欽此臣將駐防及綠旗各營均勻分撥每營馬百匹撥派出六十七匹以足三千匹之數隨檄行布政司飛移城守尉督標兩

鎮照數揀選臚實馬匹解陝應用茲於三月初十
日起俱經臣親驗明白分運解往西安其草束等
項遵照部文動支正項備辦但長途跋涉馬匹止
食空草必致疲瘦麩豆等項亦不可缺其管押兵
丁馬乾銀兩臣仍飭司照常給發并嚴飭押運官
弁約束兵丁毋致擾累其解到西安交收日期俟
報到日另摺恭

奏臣因解陝騾馬事關軍需恐上塵

聖懷是以先將解赴西安日期具摺奏

聞至一應動支正項錢糧並買補馬匹銀兩容臣分別
核實另行報銷合併聲明謹

奏

據奏已將騾馬照數解陝甚好隨經交部存案備查矣
同日又

奏為酌議辦理車騎事宜給發各項銀兩數目謹分
析

奏明仰祈

睿鑒事雍正七年三月十七日接准部咨內開為欽奉
上諭事查得車騎營兵九千人令直隸山東山西河南
等省於四五月間先後起身以五月初十後二十
五日以前陸續到京四省車兵每名賞給銀二十
兩著該督撫動支藩庫銀兩按名給發各兵丁所
用綿甲令各該督撫修理齊全交與該兵帶來等
因准此臣遵即檄行布政司及臣標中軍副將并

照會南北兩鎮一體遵照外臣查雍正六年正月二十六日為遵

旨密議據實覆奏事摺內經臣將辦理挑選兵丁事宜逐一奏請奉有

硃批諭旨欽遵在案今臣按現准部文與臣前摺內條件猶有應為酌量分別辦理之處謹當逐一奏

聞臣查前摺內兵丁安家之費經臣酌議動支公項銀兩每名給銀三十兩今部文內欽奉

諭旨每名賞給銀二十兩著該督撫動支藩庫銀兩按名給發欽此臣當謹遵

諭旨於藩庫內各給銀二十兩至臣前奏三十兩之處似無庸再給又部文內開兵丁所用綿甲令各該督撫修理齊全交與該兵帶來等語臣查南北兩鎮俱係綿甲經臣飭令修整現皆齊全足用惟臣督標俱係鐵甲並無綿甲臣當照督標派撥兵數動用公項銀兩星速製備務令堅緻如式給發起

程以上二項皆遵照部文現在敬謹料理臣又查前摺內尚有兵丁行裝衣服等物乃

皇上格外施恩令臣酌議之項似應仍行量給今臣謹酌議每兵六兩凡應用行裝衣服以及油單雨具等物一切足用臣皆逐件開單動支公項銀兩給發令其自行製備仍令照單送驗臣又查前摺內奏明兵丁負載行裝等物每兵五名給馱騾二頭鞍架俱全今部文亦未議及但所挑兵丁俱係步兵

原無馬匹其鑼鍋帳房與盔甲等物長途跋涉皆
須馱載部文雖未議及亦必不可少臣謹照前摺
所

奏動支公項每騾一頭發銀一十四兩給領辦買以
上二項俱現在檄行布政司臣標中軍副將并照
會兩鎮按派兵丁數目確核給發并札致山東山
西撫臣一體照此辦理至管押車騎兵丁之將備
千把應酌給路費銀兩之處臣於前摺內奏請欽

奉

聖諭臨期自另有旨欽此今准部咨管押車騎之將備
千把雖經派撥而應否給與路費銀兩尚未議及
應仍候

諭旨遵行所有現在酌量料理事宜理合繕摺奏
聞伏乞

皇上睿鑒為此謹

奏

交怡親王等議覆有旨諸凡事宜總俟部文到日遵照奉行

同日又

奏為動用耗羨銀兩據實奏明仰祈

睿鑒事竊查雍正六年七月十一日臣覆

奏動存耗羨銀兩摺內經臣將豫省應用耗羨銀兩辦理公務各項逐一奏明蒙

皇上硃批諭旨議論可謂是當之至以上數項皆地方

要務亟應辦理者卿權其輕重緩急一面奏聞一面次第舉行欽此欽遵在案伏查豫省各府州縣城垣歷年既久不無殘缺其少有殘缺者臣已經飭令地方官不時捐資修整至於塌卸過多自應動支耗羨修築臣隨檄行布政司委員確查估報去後茲據署司謝旻詳稱豫省一百零八州縣除八十九州縣或城垣並無坍塌或少有殘缺地方官情願捐修無庸動用公帑外惟查懷慶府附郭河內

縣彰德府附郭安陽縣汝寧府附郭汝陽縣陝州
歸德府所屬夏邑縣寧陵縣懷慶府所屬修武縣
武陟縣原武縣汝寧府所屬信陽州新蔡縣羅山
縣衛輝府所屬淇縣滑縣南陽府所屬唐縣陳州
所屬沈邱縣許州所屬長葛縣汝州所屬伊陽縣
光州所屬息縣以上共十九州縣所有城垣年久
損壞應一併估修但其中如淇縣原武羅山三縣
坍塌過多難於修補除淇縣原係土城仍建築土

城外其原武羅山二縣係偏僻之所今議一併建
築土城庶工省而力便以上通共估銀六萬五千
五百五十兩零委無浮冒等情造冊詳報到臣臣
現在飭司確核將耗羨銀兩檄發委員速行辦料
修築又查貢院號房舊止八千六百一十一間查
上年丙午科鄉試應試士子多至一萬二千餘人
因不敷用搭蓋席棚以足其數今歲己酉科又值
試期入闈士子諒不減於上科所少號房酌量添

設二千四百間以為一勞永逸之計臣隨檄行布政司委員確估造報去後茲據署司謝旻詳稱添蓋號房在龍門相近東西兩圍牆之外填築地基添蓋二千四百間從老牆南首接砌圍牆兩邊包至大門共估用工料銀五千八百三十六兩零委無浮冒等情造冊詳報到臣臣現在飭司確核將耗羨銀兩檄發委員速行修造又查按察司司獄自明季以來即無監房凡解審人犯俱寄祥符縣

監羈禁殊為未便臣檄行布政司委員確估造報
去後茲據署司謝旻詳稱建造司獄在按察司衙
門內西南臨街填高地基建築監牆週圍共六十
三丈高二丈牆外東西北三面俱築更道土牆內
造監房并獄神廟禁卒房等類共四十二間又另
造司獄司署前後共一十四間以上通共估用工
料銀四千七百二十三兩零委無浮冒等情造冊
詳報到臣臣現在飭司確核將耗羨銀兩檄發委

員速行建造此三項者均關公務共該動支耗羨銀七萬六千三百三十六兩零至臣前所奏修整臣標與南北兩鎮盔甲鑼鍋帳房鳥鎗等類及疏濬各州縣大河淤淺之處臣已經飭司移會兩鎮造報通飭各道府州縣行查去後尚未詳覆俟詳覆到日應動耗羨銀兩臣再另摺恭

奏所有豫省修築各府州縣城垣并科場添蓋號房建造按察司司獄一應動支司庫耗羨銀兩數目

俟工完之日除確核造冊送部報銷外臣欽遵

聖訓一面辦理一面將需用銀兩總數繕摺奏

聞謹

奏

所奏欣悅覽之興造俱屬是當合宜而又皆從節省甚為可嘉工完之日照例報部存案可也

同日又

奏為刑名之任非輕賢能之員難得仰請

聖恩陞擢以收實效事竊臣荷蒙

皇上深恩總督河東吏治民生時刻在念伏思按察司
一官為刑名之總滙民命之攸關必須精明練達
才守兼優之員方克勝任臣查得現任糧道陳世
倬於雍正三年在南汝道任內緣前按察司沈廷
正陞任福建藩司臣即令陳世倬署理臬篆觀其
辦事明白聽斷得情實屬賢員後於雍正六年十
一月前按察使納海離任時臣令署布政使謝旻

署按察使事署任月餘因兩司事務殷繁力請將糧道陳世倬署理臣於其辦漕事竣即令署理臬篆該道署事以來悉心辦理朝夕弗遑聽訟精詳務期明允不以刑訊為能不以文致為巧揆情度理毫髮無遺是以刁詐之民當前立辨無出入之愆重大之案經手可完無拖累之苦凡屬案情疑似該道必親自鞠審不任意駁詰推諉屬員現今數案俱係歷來府州縣不能審出者悉能審出實

情豫省官民無不稱其斷獄如神此不獨臣一人之私言也可否仰請

天恩將陳世倬補授河南按察使則豫省之民將無冤獄而臣亦得收臂指之助矣但臣查去年十二月內接准部咨奉

旨河南按察使員缺著廣東按察使公元調補欽此又查雍正六年正月二十七日邸抄內奉

旨吳昌祚補授山東按察使欽此臣查吳昌祚於去年

正月內奉有

吳昌祚在閩有質對之案今已完結將次可到才具中諭旨自應星即赴任乃至一載有餘尚無音信定因海

平頗稱誠懇部院內漢軍乏人朕欲將伊內用公元亦

洋風水不便以致稽遲但東省按察使一缺不可

係一老成人原欲令卿就近體驗今既懇請改補山東

久懸今公元亦尚未到豫接受印務倘蒙

同為所轄地方均無不可須極力加以教誨然後令往

皇上俯准臣請其河南按察使司一缺令陳世倬補授

果否稱職更留心試看具奏以聞

將公元補授山東按察使吳昌祚伏乞

皇上另補他省至臣奉

命總督河東兩省事屬一體乃不懇請

朕本有此意更調之請洵為實獲予心
聖恩將陳世倅竟補山東臬司而必遞相更調者實緣

陳世倅在豫六年民情風土無不周知以之陞擢
臬司不獨豫省刑名臣可無慮即豫省諸務俱可
共相贊理一轉移間實與地方甚有裨益再查河
南糧道一缺兼管驛鹽分守三府五州非老成幹
練之員亦難勝任查有衛輝府知府張建德居心
公正辦事勤慎每年在衛輝水次協理漕運更屬
諳練其糧道一缺仰請

皇上天恩以張建德陞補亦屬相宜其衛輝府知府員缺恭候

皇上敕部於記名人員內請

旨補授臣仰體

皇上因材器使慎重吏治民生之意用敢冒昧具

奏是否允協伏候

聖裁為此謹

奏

候另旨諭部再者朕簡命岳鍾琪統軍出塞欲令岳濬
於五月間往陝送伊父啓行東撫印務卿能代理乎若
慮鞭長莫及費金吾可暫署乎約計岳濬道路往返於
八月下旬方克旋任卿酌妥具覆奏到之日有旨
陝州閬鄉縣知縣趙可大何如

雍正七年四月十一日河東總督臣田文鏡謹
奏為黃河水汛平穩敬謹修防以固堤工以慰

聖懷事竊查豫省黃河水勢今歲自桃汛以來至三月

二十七日止一切工程俱各平穩臣已會同總河臣嵇曾筠合詞具

題在案今四月初八日起伏汛又屆凡一切椿埽物料臣已飭令預備齊全并檄行管河道及在河官弁督率兵夫人等駐守河干照依四防二守之法加意巡查相機料理以仰副我

皇上軫念河工永慶安瀾之

聖意所有伏汛修防事宜理合繕摺恭

奏上慰

聖懷謹

奏

諸凡敬謹為之自齊蘇勒湍逝之後朕每念及河工不
禁心悸倘偶有變遷竟無所恃賴惟宜加慎修防并仰
仗

天地

神靈護祐克保無虞庶幾少慰朕懷於萬一

同日又

奏為欽遵

聖諭據實覆奏事雍正七年四月初六日臣家人齋回

臣具

奏浙江督臣李衛摺內奉有

硃批諭旨臣跪讀之下仰見我

皇上明並日月德配高深凡內外諸臣俱在

聖心照鑒之中

帝念涵容之內雖覆載生成之德無以過也伏念
皇上視臣工如一體本無彼此豈臣子事

君敢存異同之見天下之事皆

朝廷之事也天下之臣皆

皇上之臣也為臣子者以一己之身報

君不若合天下之臣以共圖報

君是以善則相勸過則相規寅恭之誼實事

上之道我

皇上不以臣為冒昧多言又蒙

溫語褒嘉臣何人斯遭遇

聖明信任之隆一至於此臣查李衛實為難得之賢臣
臣之愚衷實望其為臯夔為稷契上為

聖主慶得人下為督撫樹標準偶有微疵恐非全美一
經

皇上面加訓誨則李衛自必感激

天恩力為改革將見有美無瑕庶幾仰副我

皇上造就臣工之

聖意而於封疆實有裨益則不獨李衛報

主之心可以稍盡而微臣報

主之心亦藉以稍抒其萬一也所有奉到原摺理合恭

繳為此謹

奏

朕待天下臣工本諸一誠所望者惟以全美二字交相
勸勉耳此心實對

天日無慚

同日又

奏為欽奉

聖訓據實覆奏事竊臣家人齎回臣覆

奏徐湛恩摺奉有

硃批諭旨臣伏查徐湛恩向在運河洵屬諳練之員今

協理黃河事務實係初試然以伊之實心任事固
再看更覺狹隘雖則云然凡人氣度又在善能擴充若
未有不漸就嫻熟者惟其器局臣亦覺其稍欠大

肯奮志向上加以涵養工夫亦何可限量耶
方今伏讀

聖諭仰見我

皇上睿鑒精詳瑕瑜畢照至於徐湛恩之操守臣實未
能深知緣自伊協理以來河工錢糧既非專管而
豫省屬員又從無餽送是以未能悉其底蘊今欽
奉

聖諭臣遵當留心訪察仰副

是
聖懷為此謹

奏

覽

同日又

奏為欽遵

聖訓據實覆奏事竊臣家人齋回臣具

奏為刑名之任等事摺內奉有

硃批諭旨伏查臣前摺於三月二十日恭

奏按察使公元於二十六日到豫二十八日接受印

務隨於四月初五日適各司道等在臣衙門會議
車騎行裝等項接到邸抄蒙

皇上天恩將陳世倬補授河南按察使張建德補授開
歸道是時陳世倬在旁聞之驚惶無措備述革職
之員蒙

皇上高厚隆恩至於如此不覺感泣失聲臣與署布政
使謝旻按察使公元見之亦無不感激涕零也又
久亦漸至遺忘但於奉職奉事處逐件留心省察何能
於初七日張建德因公至省臣觀其感激之懷謹

適情

彼甫改移我即覺照矣如此庶不被人所愚用人

凜之意見於詞色甚為真切總之二人受

之道無他聽言觀行試功考績而已

恩深重銘心刻骨遂不覺其流露如此臣實可保其始

終如一必不有負

天恩至於公元臣雖相接未久觀其為人果係老成誠

如

聖明所諭然見事明白

恐其少欠奮勉之力

有努力向上之心自不甘於暴

棄者臣受

皇上隆恩兼轄東省自署撫臣岳濬以至兩鎮司道府

州縣并將備弁員等無不諄諄勸勉共相砥礪以
期仰報

皇上今公元職任臬司關係非細敢不欽遵

聖訓著實教導好再為留心試看仰副

聖懷再臣跪讀

聖訓內有詢臣可能代理東省撫印之

諭旨臣不勝感愧交集悚惶無地臣自顧庸材兼轄兩
省凡事皆仰賴

皇上訓誨周詳幸免隕越茲蒙

聖恩眷注復以東省撫印下詢臣何人斯乃蒙

皇上委託之重恩遇之隆一至於此但臣於目下現在
辦理錢糧奏銷并檢閱秋審案件兩項事竣又值
科場屆期所有事宜亦當次第料理况入闈監臨
兩省各有專司非獨臣才有所不逮亦勢有所不
能誠如

聖諭鞭長莫及也至費金吾謹飭自愛黽勉厥職以之

署理諒能無忝但臣微嫌其精神稍欠將來東省

科場又係伊提調倘岳濬於八月前可以回任則
已有旨矣八月前或不能回到本任八月內料其必到

費金吾儘可暫委署理若至下旬則費金吾未免

臨期卿再斟酌奏聞

有顧此失彼之慮仰請

京中一時那得賢員即使才幹明敏者初蒞外任數月

皇上於在京賢員內

之問尚在茫無頭緒何益之有

命往署理更為妥便臣庸愚之見如是伏候

聖裁查陝州閬鄉縣知縣趙可大於雍正六年十一月

殊為可惜

初四日病故經臣

題報在案合併覆

奏又於臣恭報河東兩省得雨日期摺內奉有

硃批諭旨仰見

聖心廣大

帝念淵深誠敬之心入於至微非臣下所能窺測臣惟
適聞豫省微欠雨澤未知近日已降甘霖否
有謹奉敬誠以待之

聖諭加勉弗怠焉耳所有奉到原摺理合恭繳謹

奏

覽



硃批諭旨卷一百二十六之十五



總校官庶吉士臣侍朝

校對官助教臣卜維吉

謄錄監生臣袁瑩